

Parc naziunal Adula: «Das Jahrhundertprojekt»

■ En ina intervista dils 4-7-14 en LQ s'exprima il promotur dil Parc naziunal Adula, Sep Cathomas, sur da siu product che seigi «realisabels cun cuosts minimalis». Cefras numna Cathomas buc. Per quei hai jeu mirau egl internet tgei che «cuosts minimalis» vul dir: La fasa treis da realisaziun da quei project ei budgetada cun 5,5 milliuns, buca da tschintschar da fasa in e dus. Cun quei ch'igl ex-politicher di en quei discuers lavau nuot niev, mo la lira che nus udin ussa gia dapi 14 onns, sebasein nus sin in artechel staus en ina gasetta dalla Bafu dils 2011 che veva in stel dapli substanza.

2015 pia, cnap ina generaziun suenter che nus vein salvau la Greina dalla NOK «soll die Hochebene nun zum Herzstück des zweiten Schweizer Nationalparks werden: Adula benannt». Quei ei la visiuon ord la perspectiva dil turist dalla Bassa. Buc avunda che Vrin e Sumvitg han desistiu d'in lag da fermada en favur dalla natira, en disfavour dallas cassas communalas. Buc avunda che la Greina ei dapi 10 onns scumandada per la catscha. Na, ussa havessen nus muntagnards aunc da desister dil dretg dad ir pils trutgs da nuoras e camutschs e dad ir sils cuolms egl agen territori: «Auf Strahlen und das Wandern abseits der markierten Wege – Aktivitäten, die heute uneingeschränkt möglich sind – wird man in der Kernzone aber verzichten müssen.» Activitads tipicas dils indigens vegnan scumandadas, ils cavacrappa – quella glied che s'auda tiel cuolm sco la greppa, quels umens zais sco zaungas, secs sco petgalenns – ston svanir. Per suenter vegnan autras activitads garantidas, man lese und staune: «die Helikop-



Il plaun dalla Greina.

MAD

ter-Versorgungsflüge zu den SAC-Hütten bleiben gestattet». Ussa vegn clar tgei carstgauns che stattan el center: ils turists.

Buca da far curvien che quels dil parc, direziun (Geschäftsleitung) e cumisiun da direziun (Leitungsausschuss), ston ussa cuorer per las vischnauncas ch'ei piardan ils calzers per perschauer votantas, votants ch'entscheivan a se-smarvegliar. En mintga cass savess ei cuzar empau pli ditg che 2015 tochen che tuts ein converti. Sep Cathomas, Breil, iniziant dil niev parc naziunal, savess, sco el fa da saver per tudestg «auch damit leben, wenn es etwas länger dauern würde». «Wir arbeiten hier an einem Jahr-

hundertprojekt für die Region. Und wenn dieses gute Ding allenfalls noch etwas Weile haben muss, dann geht das für mich in Ordnung.» Pertgei «mittel- und langfristig» porschi quei parc naziunal enorm potenzial da svilup e surtut l'opziun, «dass die Menschen einer Randregion ihr Schicksal wieder vermehrt in die eigenen Hände nehmen.»

Cathomas tratga pia foll ch'el hagi giu l'idea dil tschentaner. Quei muossa con impurtants ch'el pren sesez e siu affon, «dieses gute Ding». Aunc pli impurtont eis ei ussa denton ch'el emprendi ord ils sbagls da tschei «Jahrhundertprojekt» che nus havein, tenor la homepage dalla Televisiun Romontscha: «Beim Jahrhun-

dertprojekt Rumantsch Grischun fehlt der Lia eine klare Strategie, um eine bessere Akzeptanz bei der Bevölkerung zu erlangen.» Cheu hael jeu in auter cussegl che RTR. In project sto esser sincers e verdeivels. Cun strategias e zuchers peglian ins buca pli la populaziun muntagnarda.

Sep Cathomas ei il sulet politicher che jeu enconuschel che patratga «mittel-» e schizun «langfristig»; finalmein in. Aber tgei maletg ch'el ha da nus: Nus essan per el da quels che vivan en ina regiun agl ur, la schenta, envernada cun pulenta che sa – auter che forsa Remo Stoffel ed aunc in per da quellas figuras – buca prender lur destin els agens mauns. Hergulana. Essan nus forsa tratgs si dalla vischnaunca? Tgei fagein nus di per di cheu: luvrein e brahein pil benediu di ora, targein si buobanaglia, consolein nos pops la notg, tgein nos vegls, mirein per nos malsauns, mein cun nos morts sin santeri, murein e murin, seriscudin per nos dretgs fundamentals dad astgar viandar e far picnic nua e sco nus lein e da stgar ver en scola il lungatg che nus tschintschein e scrivin, battin per mieds didactics, mirein che l'entira Surselva vegni buca betunada, mein anoragiu a luvrar igl unviern (paghein aber la taglia el Grischun), e la stad mein nus ad alp sch'ei tonscha buc; e cheu vegn in ex-nationalrat e sai jeu tgei ch'el ei aunc staus e di – en ina gasetta, dada ora dalla Buwal ni Bafu sco quei ha uss num, ina chezra brochura sco ins ei disaus da quels pigl Umwelt cun tut put bials maletgs da muntanialas e tschiel blau e tschels tierlis che nus vein, tut en colur, herzig pils unterländers, ina brochura che vegn gratuitamente in mintga casada, pagada cun da-

ners da taglia – e cheu vegn in nationalrat e president cass e pretenda che la Surselva seigi l'Africa dalla Svizra che stetti cheu culla bratscha agradgiu scols neghers e sappi buca prender sia sort enta maun?

Aber forsa hai jeu capiu falliu ed el manegia ils vitgs ellas greffas dil turissem, forsa spera Sep Cathomas che lezs sappien gleiti prender pervia dil parc lur destin els agens mauns, metter tiarms als numerus jahrhundertprojects da nos speculants che han tartignau dil taliter ils vitgs da purs Breil e Falera.

Che perschauer la glied dallas muntognas per in project dil tschentaner ei buc in sugus vesa schizun il schurnalist dalla Buwal, era sche quella visiuon menass ella tiara empermissa: «Die Verheisungen dürfen indessen nicht darüber hinwegtäuschen, dass der Nationalpark Adula einiges an Veränderungen mit sich bringen wird. Ohne eine breit abgestützte Aufbruchstimmung wird das nicht zu machen sein.» Sch'ins havess buca da vegnir neu culla stimmig, sche tut vess da crappar giu, havess Cathomas persunalmein tuttina profitau culturalmein. El hagi tochen ussa strusch enconuschiu ses cumpatriots dalla vart dil sid dil Lucmagn. Il pli deplorabel ei ch'el enconuscha buca l'atgna populaziun sco el enconuscha ni la Val Sumvitg, ni la Greina ni igl intschesch ch'el vul metter sut sco parc.

Ils vers muntagnards da Vrin, Medel e Sumvitg han perencunter adina giu ils contacts humans culs Blegnes e Leventines che numnan nus Grischuns ils «Crüarons». Sper els stein nus ed ensemen cun els havein nus viviu e pitiu, hanliäu e murau, sescagnau e fraudau, misterlau e mazzau.

Leo Tuor

reclama

Gültig bis Samstag, 19. Juli 2014

Für alles rund um den Garten – wir sind für Sie da.

20% Rabatt

10.³⁵
statt 12.95

Coop Oecoplan Bio-Küchenkräuter
Rosmarin, Lavendel, Salbei, Thymian,
Minze, Topf Ø 18 cm Art.-Nr. 4.240.948

oecoplan **BIO SUISSE**

20% Rabatt

143.²⁰
statt 179.-

Gardena Wandschlauchbox
25 m, Anschlusschlauch: 2 m,
komplett mit Armaturen
Art.-Nr. 4.425.535

2 JAHRE GARANTIE **GARDENA**

80.- günstiger

199.-
statt 279.-

Bosch Elektro-Rasenmäher Rotak 37
1400 W, Powerdrive-Motor, Schnittbreite: 37 cm,
zentrale Schnitthöhenverstellung: 20 bis 70 mm,
Grasfangkorb: 40 l, inkl. vRG Art.-Nr. 4.728.265

2 JAHRE GARANTIE **BOSCH** Technik fürs Leben **toppen.ch** **ENERGY SAVING**

Alle Angaben ohne Gewähr. Alle Artikel ohne Delimitation. Modell, Farb- und Preisänderungen vorbehalten. Schöne Vernetz. Keine Rabattkumulation. © 2014

Auch erhältlich in unserem Onlineshop: www.bauundhobby.ch

coop
Für mich und dich. **bau+hobby**